

Prorector Academiae Wittebergensis, Christophorus Wacke, U.I.D.
Profess. Publ. Illustrissimae Viduae Principis Anhaltinae In Coßwigk &c.
Consiliarius, Curiae Electoral. & Facultat. Iuridicae Assessor, Civibus
Academicis S. P. D : PP. Dominica Reminiscere anno reuperatae gratiae
MDCXLVI.

[Wittenberg]

Wacke, Christoph

Phil 2° 00268/04 (245a)

https://dhb.thulb.uni-jena.de/receive/ufb_cbu_00013442

urn:nbn:de:urmel-36e47fb7-0aa2-41ca-bbd7-ebf66ecf69f14-00012662-19

Lizenz: <http://rightsstatements.org/vocab/InC/1.0/>



PRORECTOR
ACADEMIÆ WITTEBERGENSIS.
CHRISTOPHORUS VVACKE, U. J. D. PROFESS.
PUBL. ILLUSTRISSIMÆ VIDUÆ PRINCIPIS
Anhaltinæ In Coswig &c. Confiliarius, Curia Electoral, & Facultat. Juridicæ Assessor,

CIVIBVS ACADEMICIS S. P. D.

AD suscipiendas patrandasque ingentes res, & magnis animis, & eloquentia pari est opus. Immensi sudores, infinita certamina, multa & gravia odia, obreclationes, insidiae atque pericula, semper exercent, qui arduum aliquid ingrediuntur. Quae ne deterreant suscepturos; nec frangant agentes atque debilitent, invicta constantia & patientia esse oportet. Ceterum vincendae ac molliendae pertuacitatis hominum, tum confutandae ingeniorum petulantiae ac malignitati, qua delentificam suadent, quibus tormentis atque fulminibus eloquentiae est opus? Ut & confirmes transgressos in causam; & qui obvertunt cornua ac pugnant, elidas ac frangas. Nunquam Rempublicam Romanam, hoc est imperium maximum suum fecisset Celsar, nisi fortitudine atque & eloquentiae viribus polluisset: & armis alios, quibus superior omnibus; ingenio alios atque dicendi copia, qua eloquentissimis par erat, superasset. Philippum quoque Macedoniam Regem, cum fundamenta monarchiae a filio consummandae in occupanda Graecia jaceret, multa quidem vi, sed plurima dicto atque facundia se expugnasse, gloriatur legimus. Sed mittimus Philippum & Celsarem quorum & infinita ambitio, & dominandi cupido inexplebilis fuit. Nam de LUTHERO dicendum in praesenti potius; cujus memoria publica auctoritate nunc nobis recolitur. Quem sicut maximo negotio repurgandae religionis destinaverat DEUS, ita eundem & incredibili magnitudine animi, & efficacissima eloquentiae opibus munitum atque instructum terris misit. Ut neque terroribus illorum, qui falsitatem & ignorantiam manu ac ferro vindicare pararent, moveri ac concuti; nec circumscribi Sophistarum artibus ullis ac vastamentis capi posset; sed contra vim omnem petitionesque, adversariorum ac dolos, invicto atque intrepido animo juxta ac ore suaderet, assereret, stabili ret revelatam veritatem ceclessem. Enimvero cum multa magnaque sint, quae singularem LUTHERI indolem seculis omnibus commendent & admirabilem faciant, tum duo illa in ejus dotibus excellunt maxime atque antistant. Ut cum bonitate ac aequitate animi, cum modestia, justitia, abstinentia; doctrina praeterea ac sapientia ceteros; inusitata magnitudine animi, & differendi facultate, se ipsum vicisse ac superasse videatur. Multa clarissimaque observationis hujus documenta dari poterant; sed occupanda non sunt, quae duo Praestantissimi Juvenes, & SS. Theologiae Candidati eximii, CUNRADUS DAVID BUCHERUS Macrofalvacensis, nec non M. JOHANNES FRIDERICUS KONIG Dresdensis pro ea paucis diebus post edifferturi publice sunt. Quorum ille ad diem Martis perendinum DE ELOQVENTIA LUTHERI HEROICA; alter ad d. Jovis proximum, DE ADMIRABILI MAGNITUDINE ANIMI, ET SUPRA HUMANUM MODUM QUAE FUIT IN EO FORTITUDINE, in Acroterio majore ad H. IX. matut. verba faciet. Plurimum, in terest nota perspectaque habere exempla illustria; tum ut insulas ac aemuleris (quod optimus quisque & maxime strenuus ardere consuevit) tum, si non possis, ut colas tamen & admiris (quod proximum) ac sic intelligas, non data omnibus omnia; & eo quemque progredi, quod provehit DEUS, nitentemque atque conantem imple perducit. Literae quoque ac eruditio, & quibus uterque non vulgariter praestat, ingenii lepos ac elegantia, invitare vos possunt, ut comiter atque benigne dicentibus dare velitis operam. Quod ut aciat prolixè, nos quoque vos adhortamur: & quo quis pietate magis praestat, alacrius ac diligentius partibus illis defungetur. PP. Dominica REMINISCERE anno re-
operatae gratiae cl. 1696. CXLVI.

urn:nbn:de:urmel-36e47fb7-0aa2-41ca-bbd7-ebf66ecf69f14-00012662-21